



5. LAPATIÁN, S.L.
6. MURAT CONSTRUCCION Y MANTENIMIENTO, S.L.U.
7. SERVITEC MEDIOAMBIENTE, S.L
8. UTE XESTIÓN AMBIENTAL DE CONTRATAS e CRUZVAL OBRAS Y SERVICIOS, S.L. (porcentaxe de participación na UTE ao 80%-20%, respectivamente)

#### 4.- Apertura da documentación técnica

##### a) Procedemento aberto para a contratación do servizo de desbroce e limpeza de biomasa vexetal en fincas con risco de incendio (12.747-446)

Pola Secretaría e a Presidencia procédese á descriptación dos documentos que compoñen o sobre B "Proposición avaliable mediante xuízo de valor" dos licitadores presentados e admitidos.

A Mesa, por unanimidade dos membros presentes, acorda solicitar informe sobre a referida documentación técnica ao servizo xestor.

#### 5.- Entrega e, no seu caso, aceptación dos informes de valoración dos criterios avaliados mediante xuízo de valor nos procedementos abertos, negociados e restrinxidos

##### a) Procedemento aberto para a contratación das obras do proxecto de "Remodelación do contorno da rúa Baixada á Estación" (668-441)

A secretaria pregunta aos membros da Mesa se teñen conflito de intereses cos licitadores presentados e admitidos. Ningún dos asistentes manifesta ter conflito de intereses con eles.

Entrégase o informe asinado pola enxeñeira industrial, o enxeñeiro técnico en Topografía e o xefe do servizo de Vías e Obras e Infraestruturas o 18 de novembro de 2020 de valoración do sobre B "proposición avaliable mediante xuízo de valor" que é aceptado por unanimidade dos membros da Mesa.

Acto seguido publícase no perfil de contratante.

#### 6.- Apertura económica

##### a) Procedemento aberto para a contratación das obras do proxecto de "Remodelación do contorno da rúa Baixada á Estación" (668-441)

Pola Secretaría e a Presidencia procédese, en acto público, á descriptación dos documentos que compoñen o sobre C "Proposición avaliable mediante fórmula" dos licitadores presentados e admitidos co seguinte resultado:

	Licitador	Redución do prezo
1	CIVIS GLOBAL, S.L.U.	1.878.676,02 €
2	CONSTRUCCIONES OBRAS Y VIALES, S.A. (COVSA)	1.918.413,46 €
3	DRAGADOS, S.A.	1.945.560,80 €
4	ORECO, S.A.U.	1.755.135,86 €
5	PETROLAM INFRAESTRUCTURAS, S.L.	1.962.282,02 €



Copia do documento - Concello de Vigo	Data impresión: 20/05/2024 21:53	Páxina 2 de 7
ACTAS PERFIL CONTRATANTE	CSV: AEAE41-E9C134-812935-5SL6SY-FYM6AS-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

Servizo de  
CONTRATACIÓN

CONCELLERÍA  
DE  
CONTRATACIÓN

CONCELLO  
DE VIGO



	Licitador	Redución do prezo
6	UTE PRACE, SERVICIOS Y OBRAS, S.A. e CONSTRUCCIONES CERNADAS, S.L.	1.961.298,43 €
7	S.A. DE OBRAS Y SERVICIOS, COPASA	1.965.232,81 €

Asisten á apertura D<sup>a</sup>. Dori García Navarro, con DNI **\*\*.\*33.22\***, en representación de S.A. de Servicios y Obras, COPASA; D<sup>a</sup>. María Isabel Mellado Aguirre, con DNI **\*\*.\*68.67\***, en representación de PRACE, SERVICIOS Y OBRAS, S.A.; e D. Carlos Dapena Cedrón, con DNI **\*\*.\*36.45\***, en representación de DRAGADOS, S.A.

A Mesa, por unanimidade dos membros presentes, acorda solicitar informe sobre a referida documentación económica ao servizo xestor.

### 11.- Propostas de adxudicación

#### a) Procedemento aberto para a contratación dos servizos de apertura, control, manexo de equipamento e peche de instalacións deportivas dependentes da Concellería de Deportes (3.275-611)

A secretaria pregunta aos membros asistentes se teñen algún conflito de intereses co licitador clasificado en primeiro lugar neste procedemento. Ningún dos asistentes manifesta ter conflito de intereses con el.

A continuación infórmase aos membros da Mesa do escrito presentado por INTEGRA MANTEMENTO XESTIÓN E SERVIZOS INTEGRADOS CENTRO ESPECIAL DE EMPREGO-GALICIA S.L. no que solicita *"que se proceda a la exclusión de aquellas empresas que no hayan superado el umbral mínimo de puntuación en aplicación del apartado 7 del Anexo I del PCAP que establece "Aquelas ofertas situadas no intervalo de calidade técnica inadecuada serán excluídas do proceso de licitación"*.

A Mesa toma coñecemento do citado escrito e acorda, por unanimidade, á vista do acordado na sesión do 16 de novembro de 2020, formular a seguinte proposta ao órgano de contratación:

### LEXISLACIÓN APLICABLE

- Lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014
- Real decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de contratos do sector público (RLCSP)
- Real decreto 1098/2001, de 12 de outubro, polo que se aproba o regulamento xeral da Lei de contratos das Administracións Públicas (RLCAP), no que non se opoña ao Real decreto lexislativo 3/2011
- Prego de cláusulas administrativas particulares que rexe o procedemento aberto para a contratación dos servizos de apertura, control, manexo de equipamento e peche de instalacións deportivas dependentes da Concellería de Deportes (3.275-611)



Copia do documento - Concello de Vigo	Data impresión: 20/05/2024 21:53	Páxina 3 de 7
ACTAS PERFIL CONTRATANTE	CSV: AEAE41-E9C134-812935-5SL6SY-FYM6AS-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

## ANTECEDENTES

**Primeiro.-** Con data do 17 de xullo de 2020 a Xunta de Goberno local, acordou:

*Primeiro: Aprobar o expediente de Contratación polo procedemento aberto e tramitación ordinaria da "CONTRATACIÓN POR PROCEDUREMTO ABERTO ARMONIZADO PARA A CONTRATACION DOS SERVIZOS DE APERTURA, CONTROL, INFORMACION, MANEXO DE EQUIPAMENTO E PECHE DE INSTALACIÓNS DEPORTIVAS DEPENDENTES DA CONCELLERÍA DE DEPORTES*

*Segundo: Aprobar o Prego de Prescricións Técnicas de 8 de maio de 2020 e o Prego de Cláusulas Administrativas Particulares, de 29 de maio de 2020 pola Xefa do Servizo de Contratación para "CONTRATACIÓN POR PROCEDUREMTO ABERTO ARMONIZADO PARA A CONTRATACION DOS SERVIZOS DE APERTURA, CONTROL, INFORMACION, MANEXO DE EQUIPAMENTO E PECHE DE INSTALACIÓNS DEPORTIVAS DEPENDENTES DA CONCELLERÍA DE DEPORTES*

*Terceiro: Autorizar o gasto polo importe base de licitación 1.202.971,38 €, e sendo o valor estimado do contrato de 2.087.801,56 €. Para o seu financiamento aplicaranse os créditos do orzamento do Concello de Vigo, Concellería de Deportes incluída na aplicación orzamentaria 3420.2279918 "Apertura e peche de instalacións" (573.442,38 ·€) e 3410.2279904 "Prestacións e Patrocinios (28.043,31 €)*

*Distribución anual orzamentaria:*

DISTRIBUCION ORZAMENTARIA	PARTIDA ORZAMENTARIA	PERIODO	IMPORTE
ANO 2020	3420.2279918	01/09/2020 a 31/12/2020	213,026.18 €
ANO 2021	3420.2279918	01/01/2021 a 31/12/2021	601,485.69 €
ANO 2022	3420.2279918	01/01/2022 a 31/08/2022	388,459.51 €

*Cuarto: Abrir o procedemento de licitación para a selección do contratista na forma prevista na lexislación vixente".*

**Segundo.-** A concelleira delegada de Contratación, por delegación da Xunta de Goberno local (acordo do 20 de xuño de 2019), o 5 de outubro de 2020 adoptou a seguinte resolución:

*"Primeiro.- Tomar razón das exclusións acordadas neste procedemento pola Mesa de Contratación do Concello de Vigo, na sesión do 29 de setembro de 2020, de SERVIPLUSTOTAL, S.L. e GRUPO SIFU, S.L. por non acadan o umbral mínimo de puntuación esixido no apartado 7A do Anexo I -FEC- do PCAP.*

*Segundo.- Clasificar, de acordo cos criterios de adxudicación sinalados no prego, as proposicións admitidas neste procedemento aberto para a contratación dos servizos*



Copia do documento - Concello de Vigo	Data impresión: 20/05/2024 21:53	Páxina 4 de 7
ACTAS PERFIL CONTRATANTE	CSV: AEAE41-E9C134-812935-5SL6SY-FYM6AS-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

Servizo de  
CONTRATACIÓN

CONCELLERÍA  
DE  
CONTRATACIÓN

CONCELLO  
DE VIGO



de apertura, control, manexo de equipamento e peche de instalacións deportivas dependentes da Concellería de Deportes (3.275-611) na seguinte orde descendente:

	Licitadores	Puntuación total
1	UNIUM SERVICIOS AUXILIARES	84.10
2	INTEGRA MANTEMENTO, XESTIÓN E SERVIZOS INTEGRADOS CENTRO ESPECIAL EMPREGO GALICIA, S.L.	82.38
3	SERVICIOS AUXILIARES DE MANTENIMIENTO Y LIMPIEZA, S.L.	80.34
4	OSVENTOS INNOVACIÓN EN SERVICIOS, S.L.	72.43
5	EULEN, S.A.	35.93

**Terceiro.-** Requirir ao licitador clasificado en primeiro lugar, UNIUM SERVICIOS AUXILIARES (B-72.245.798), para que presente, no prazo de dez días hábiles, a contar desde o seguinte a aquel no que reciba o requirimento, a seguinte documentación (artigo 150.2 LCSP):

1. Declaración responsable de non estar incurso en prohibición de contratar.
2. A documentación esixida nas cláusulas 8 e 22 do prego de cláusulas administrativas particulares (PCAP).
3. Resgardo da garantía definitiva esixible de acordo co disposto na cláusula 24 do prego de cláusulas administrativas particulares”.

**Terceiro.-** Esta resolución foi notificada ao licitador clasificado en primeiro lugar, UNIUM SERVICIOS AUXILIARES, o día 9 de outubro de 2020, que presenta a documentación requirida o 26 de outubro, dentro do prazo concedido.

**Cuarto.-** A Mesa de Contratación na sesión do 30 de outubro de 2020 revisou a documentación presentada pero acordou non continuar coa tramitación do procedemento e solicitar informe ao servizo xestor en relación coa comprobación solicitada por INTEGRA MANTEMENTO XESTION E SERVIZOS INTEGRADOS CENTRO ESPECIAL DE EMPREGO-GALICIA, S.L. en escrito presentado o 29 de outubro do cumprimento dos requisitos de presentación das proposicións avaliábeis mediante xuízo de valor.

**Quinto.-** A Mesa de Contratación, na sesión do 16 de novembro de 2020, aceptou o informe emitido o 11 de novembro de 2020 polo xefe do Servizo de Administración Electrónica e o programador informático en relación co cumprimento dos requisitos de presentación das proposicións avaliábeis mediante xuízo de valor esixidos no apartado 6A no Anexo I -FEC- do PCAP de todos os licitadores presentados a esta licitación, así como o informe da mesma data do adxunto ao xefe do Servizo de Deportes en relación coa nova valoración das proposicións avaliábeis mediante xuízo de valor á vista do informe anterior.

Así mesmo, a Mesa acordou continuar coa tramitación do expediente sen necesidade de retrotraer actuacións, “dado que a nova orde de clasificación das proposicións non varía en absoluto respecto da clasificación aprobada o 5 de outubro de 2020, polo que a retroacción de actuacións resultaría inútil e artificiosa. O principio de economía procesal pugna contra calquera retroacción de actuacións das que non se derivaría alteración do



Copia do documento - Concello de Vigo	Data impresión: 20/05/2024 21:53	Páxina 5 de 7
ACTAS PERFIL CONTRATANTE	CSV: AEAE41-E9C134-812935-5SL6SY-FYM6AS-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

sentido do acto impugnado (Sentencia do Tribunal Supremo, Sala Terceira, do 23 de febreiro de 2012)” e conceder un prazo de tres días a UNIUM SERVICIOS AUXILIARES, S.L. para que puidese emendar a documentación presentada o 26 de outubro (acreditación da solvencia técnica e presentación do anexo IV do PCAP).

O citado licitador presentou a nova documentación dentro do prazo concedido, o 20 de novembro de 2020.

**Cuarto.-** A Mesa de Contratación na sesión do 23 de novembro de 2020 revisou a documentación presentada, sendo esta correcta, polo que acordou, por unanimidade dos membros presentes, propoñer ao órgano de contratación a adxudicación deste procedemento.

## **FUNDAMENTOS XURÍDICOS**

**Primeiro.-** A nosa lexislación contractual impón ao órgano de contratación a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarase aos licitadores e, simultaneamente, publicarase no perfil de contratante no prazo de quince días (artigo 151.1 LCSP).

Recibida tanto a documentación presentada polo licitador clasificado en primeiro lugar UNIUM SERVICIOS AUXILIARES, como a solicitada de oficio pola Administración municipal e, comprobado que esta é correcta, procede adxudicar este contrato.

**Segundo.-** A competencia para formular a proposta de adxudicación ao órgano de contratación correspóndelle á Mesa de Contratación. A proposta realizarase a favor do licitador que teña presentado a mellor oferta, de conformidade coo disposto no artigo 145, segundo proceda de conformidade co prego de cláusulas administrativas particulares que rexa a licitación.

A oferta máis vantaxosa para a administración contratante é a formulada por UNIUM SERVICIOS AUXILIARES, de acordo cos informes de valoración das proposicións avaliadas mediante xuízo de valor e das proposicións avaliadas mediante fórmula, de datas 24 e 30 de setembro de 2020, respectivamente; así como do informe de data 11 de novembro de 2020 sobre a nova clasificación do procedemento unha vez aplicado o desconto por incumprimento dos requisitos de presentación das proposicións avaliadas mediante xuízo de valor.

**Terceiro.-** A competencia para a resolución deste expediente correspóndelle á Xunta de Goberno local (apartado 4 da disposición adicional segunda da LCSP), na súa calidade de órgano de contratación.



Copia do documento - Concello de Vigo	Data impresión: 20/05/2024 21:53	Páxina 6 de 7
ACTAS PERFIL CONTRATANTE	CSV: AEAE41-E9C134-812935-5SL6SY-FYM6AS-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

Servizo de  
CONTRATACIÓN

CONCELLERÍA  
DE  
CONTRATACIÓN

CONCELLO  
DE VIGO



En base ao que antecede, propónse á Xunta de Goberno local como órgano de contratación, en uso das facultades que lle confire a lexislación vixente, a adopción do seguinte acordo:

1. "Tomar razón das exclusións acordadas neste procedemento pola Mesa de Contratación do Concello de Vigo, na sesión do 29 de setembro de 2020, de SERVIPLUSTOTAL, S.L. e GRUPO SIFU, S.L. por non acadan o umbral mínimo de puntuación esixido no apartado 7A do Anexo I -FEC- do PCAP.
2. Adxudicar a UNIUM SERVICIOS AUXILIARES (B-72.245.798) o procedemento aberto para a contratación dos servizos de apertura, control, manexo de equipamento e peche de instalacións deportivas dependentes da Concellería de Deportes (3.275-611) por un prezo total de 1.202.971,38 euros, sendo a cota correspondente ao IVE de 208.780,16 euros cos seguintes prezos unitarios:
  - O prezo unitario de hora ordinaria é de 13,92 euros, sendo a cota correspondente ao IVE de 2,42 euros.
  - O prezo unitario de hora festiva é de 15,05 euros, sendo a cota correspondente ao IVE de 2,61 euros.
  - O prezo unitario de hora nocturna de 14,81 euros, sendo a cota correspondente ao IVE de 2,57 euros.

*Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada".*

Non tendo máis asuntos que tratar, a presidenta declara finalizada a sesión ás 11:10 horas. De todo o tratado eu secretaria dou fe.

(Documento asinado dixitalmente polos membros da Mesa asistentes a esta sesión)



Copia do documento - Concello de Vigo	Data impresión: 20/05/2024 21:53	Páxina 7 de 7
ACTAS PERFIL CONTRATANTE	CSV: AEAE41-E9C134-812935-5SL6SY-FYM6AS-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		